

TRG BIH 3 72000 ZENICA BOSNA I HERCEGOVINA

DIREKCIJA

Zenica, 28. 5. 2019. godine
Broj: 445/19

Na osnovu člana 56. Pravila Javne ustanove Bosansko narodno pozorište Zenica (broj: 569/04 od 31. 5. 2004. godine i Odluke o izmjenama i dopunama br. 79/05), Upravni odbor Javne ustanove Bosansko narodno pozorište Zenica dostavlja

Predmet: O B A V I J E S T radnicima i radnicama - DOSTAVLJANJE PRIJEDLOGA PRAVILA

Poštovane kolegice i kolege, radnice i radnici Javne ustanove Bosansko narodno pozorište Zenica, u skladu sa predviđenom procedurom i shodno obavezi konsultacija sa radnicima JU BNP Zenica, a u cilju izrade što boljeg regulatornog okvira za rad i djelovanje naše Javne ustanove, u odnosu na zakon i važeće propise, ovim putem vam se zvanično dostavlja na uvid usaglašena verzija prijedloga novih i sa zakonskim odredbama usklađenih Pravila Javne ustanove Bosanskog narodnog pozorišta Zenica, kao osnovnog općeg akta Javne ustanove BNP Zenica. Dostavljeni prijedlog Pravila JU BNP Zenica razmatran je i usaglašavan na prethodno održanim radnim sjednicama Upravnog odbora JU BNP Zenica.

Ovim putem se mole svi radnici i radnice JU BNP Zenica da naprave uvid u dostavljeni i objavljeni prijedlog Pravila i da u roku od osam (8) u pismenom obliku u Sekretarijat Pozorišta dostave svoje eventualne primjedbe, prijedloge i sugestije, što je regulisano i članom 56. važećih Pravila.

Upravni odbor JU BNP Zenica će prilikom zvaničnog donošenja Pravila u obzir uzeti sve prethodno dostavljene primjedbe i prijedloge radnika, date povodom prijedloga općeg akta.

Prijedlog novih Pravila JU BNP Zenica je izuzetno sadržajan, detaljan i precizno formulisan osnovni opći akt Javne ustanove, usaglašen sa zakonom i važećim propisima kao i sa sličnim aktima profesionalnih pozorišta u formi narodnog pozorišta u Bosni i Hercegovini i zemljama okruženja, te odredbama koji se referiraju na relevantna iskustva iz dosadašnje poslovne prakse u vezi sa osnovnom i srodnim djelatnostima Pozorišta. Ovaj osnovni opći akt uveliko bi trebao doprinijeti regulisanju svih oblasti djelovanja i efikasnijem poslovnom funkcionisanju Javne ustanove, regulišući i brojna pitanja na koja se nailazilo u dugogodišnjoj radnoj i umjetničko-produkcijskoj praksi, čime se dodatno uređuju pitanja statusa, načina i organizacije rada, organizacione strukture, koordinacije i rada organizacionih cjelina, radnicima i prijemu novih radnika, korištenju i najmu kapaciteta, sredstvima za rad, tijelima i sva druga pitanja od interesa za uspješan i zakonit rad i djelovanje JU BNP Zenica. Odredbe prijedloga Pravila JU BNP Zenica sadržavaju i proširene, bliže uređene i usklađene odredbe novog Zakona o pozorišnoj djelatnosti („Službene novine ZDK“, br. 04/16), čime su *de iure* uređena sva važnija pitanja i oblasti koja je neophodno regulisati, što se i nalaže odgovarajućim odredbama tog *lex specialisa*.

U cilju što bolje dostupnosti prijedloga Pravila, uvid u isti će biti moguće obaviti uz oglasnu ploču Pozorišta, odnosno u Portirskoj službi (svakog dana), kao i u Sekretarijatu Pozorišta (radnim danom od 9 do 15h). Isti su u odgovarajućem elektronskom formatu objavljeni i dostupni i na stranici www.bnp.ba, a na zahtjev radnice ili radnika upućenog u Sekretarijatu mogu biti prosljeđeni i na osobnu adresu elektronske pošte radnice ili radnika.

U skladu sa prethodnim, molimo vas da u navedenom roku i na navedeni način načinite uvid u prijedlog Pravila i da dostavite vaše eventualne prijedloge, primjedbe i sugestije na odredbe istog, kako bi bilo moguće pristupiti daljoj proceduri usvajanja i stupanju na snagu ovog akta.

Srdačno i sa poštovanjem,

U P R A V N I O D B O R
Javna ustanova **Bosansko narodno pozorište Zenica**

prof. Milenko Karović, predsjednik

Dostaviti:

2x oglasna ploča JU BNP Zenica

1x sindikalni predstavnik

1x a/a UO JU BNP Zenica

1x a/a JU BNP Zenica

